

四庫全書

集部

欽定四庫全書

劔南詩藁卷五十七

宋 陸游 撰

北窗

老人日夜衰臥起常在背窗間一編書終日聖賢對東
皐客輸米粲粲珠出碓南山僧餉茶細細雪落磴吾兒
亦解事稀甲自鉏菜一饑既退舍百念皆卷旃閑身去
俗遠澄念與道會宿痾走二豎美睡造三昧挂冠反布

韋上印謝銀艾庭中石蒼然此客真度外

幽居雜題

開歲頻風雨清明氣始和遊山書半廢耽酒睡常多客
去孫登歎牛疲寧戚歌餘生猶有幾盡底付漁蓑

又

雅意元知止逆歸喜遂初久閑棋格長多病釣徒疎漬
藥三升酒走頭一束書兒曹看翁嬾切勿厭蝸廬

又

忽忽年光逝悠悠世事非
曉猶明續火晝永啓漁扉
施食禽魚熟疏溝杞菊肥
寂寥何所歎父子自相依

又

獨往成初志安居謝世紛
名書硬黃紙古硯熨焦紋
雨作占琴薦風來散鷺羣
豈無朝市事塞耳未曾聞

題旅舍壁

泥淖停牛屋風埃坐簣牀
絳人難諱老楚客自嫌狂
浪迹江湖大回頭日月長
村村有餅餌正可不費糧

又

地曠風號木天高日脫雲村名步頭換縣界驛前分蒿
艾春侵路雞豚暮識羣敲門就炊爨一飯敢忘君

出行湖山間雜賦

老入新年健春逢小雨晴偶因尋酒去又作繞村行塘
水蒼鵝戲郊原黃犢鳴閑身有樂事倚杖看農耕

又

新釀學鵝黃幽花作蜜香客邀閑即去病起醉何傷野

寺無晨粥村伶有夜場
吾心靜如水隨事會年光

又

徑繞茶岡北橋連災浦東
蟲銼烏桕葉露溼豨歛叢燒
地春蕪綠漁扉夕照紅
君恩那可報惟是祝年豐

又

魚市樵風口

樵風溪
港名

茶村穀雨前柳邊煙掩苒堤上草

半眠墓掃鴉銜肉人歸鷺
導船東風吹短髮得句為誰

妍

上巳

殘年登八十佳日遇重三簾幙低新燕房櫳起晚蠶名
花紅滿舫美醞綠盈甌春事還如昨衰懷自不堪

荀絕句

列仙閱世獨清癯雪谷冰谿老不枯輸與錦棚孩子輩
千金一束入天厨

贈蘇召叟

蘇子出儔輩翩如天際鴻才華刮眼膜文字愈頭風豈

止千人見真當四海空老夫雖耄矣此論不妨公

贈趙去華

趙子毫端萬斛珠眼前百輩不枝梧盛名豈待他年見
公論何曾一日無我老杜門惟足睡君豪折簡固難呼
此詩強欲相題目堪笑衰翁膽滿軀

道室述懷

養心功用在還嬰肯使秋毫有妄情二寸藤冠狂道士
一編蠹簡老書生狐妖從汝作人立金價在吾如土輕

地肺終嫌近朝市明年沂峽上青城

春晚雨中作

冉冉流年不貸人東園青杏又嘗新
方書無藥醫治老風雨何心斷送春
樂事久歸孤枕夢酒痕空伴素衣塵
畏途回首濤瀾惡賴有雲山著此身

晚行湖上

飽來捫腹繞村嬉北陌東阡信所之
女手采餘桑鬱鬱煙蕪生遍冢累累
高林日暮無鶯語深巷人歸有犬隨

東走郡城逾十里好風勞送角聲悲

欲卜菴居未有勝地作詩識之

破裘百結鬢垂蓬旋過流年旋已空
魔眷屬如雲盡散
性光明似日方中極知萬事不勞問
欲住一菴誰與同
會向巢居明月夜五弦橫膝寫松風

東窗遣興

東窗徙倚當閑遊水長池魚自滿
溝花氣襲人渾欲醉
鳥聲喚客又成愁百年光景輸歌枕
萬里風煙入倚樓

欲寫烏絲還嬾去詩名老去判悠悠

獨酌

一榼芳醪手自斟從來石小怯杯深已於醉醒知狂聖
又向淳漓見古今濡首固非吾輩事達生猶得昔人心
醪醑欲過香差減且據胡牀坐綠陰

舟中作

誤長僊蓬不滿年恩容歸老自雲邊草枯病馬停朝秣
納_{子已}祿水冷鰥魚廢夜眠混俗豈須名赫赫耐嘲唯可腹

便便柯橋梅市花俱好且典春衣醉放顛

衰疾

衰疾憐新鬼狂豪尚故吾
棊常先客著行不許兒扶硯
潤閑蟾滴香殘冷鴨爐
自憐風味在尚欲泛江湖

示兒

聞義貴能徙見賢思與齊
食嘗甘脫粟起不待鳴雞
蕭索園官菜酸寒太學齋
時時語兒子未用厭鉏犁

野興

溪漲侵菴路山光壓釣磯荒畦荷鉏去小艇載犁歸世
態那堪看吾言可自違從今謝人事終日掩荆扉

閑遊

遊徧名山日月長結廬歸占水雲鄉醉中即是逃名地
閑外應無度世方檜蜜滿脾餘小苦术苗浥露有奇香
肺腸自與人間別堪笑醅缸與飯囊

又

高會揮金媿二疎食貧只似布衣初終年老健緣儲藥

隨分窮忙為著書
弔古何時過梁宋
題詩且欲徧衡廬
不須更擬蔡風去
水有煙帆陸筍輿

又

過盡僧家到店家
山形四合路三叉
清明漿美村村賣
穀雨茶香院院誇
困臥幽窗身化蝶
醉題素壁字棲鴉
夕陽不盡青鞋興
小立風前鬢脚斜

又

夙興蓐食戒山行
策蹇迢迢過故城
露葉未乾明曉日

風蒲初勁借秋聲綠陰渡口孤鶯語白水陂頭兩犢耕
遙望炊煙疑可憩試從行路問村名

炊米不繼戲作

敢羨晨興費萬錢口邊縱理信前緣高年雖獲殿諸老
一飽常如登九天架上有書吾已矣甌中無飯亦陶然
蓬門一閉還旬日實怕閑人攪晝眠

暮行

志士能輕萬戶封野人自愛一枝筇行窮綠岸呼船渡

糴得黃粱就碓舂林外人家明遠火月邊僧閣下疎鐘
江村不用愁孤絕小店茅簷儘見容

小雨

小雨過巖扃殘雲傍野亭花光相映發鶯語苦叮嚀舉
酒和神氣彈琴悅性靈索居朋友絕得句遣誰聽

又

急雨方侵慢斜暉忽滿廊塵清添草色衣潤省篝香婦
織將收繭農功已下秧諸孫入家塾親為授三蒼

送辛幼安殿撰造朝

稼軒落筆凌鮑謝退避聲名稱學稼十年高卧不出門
參透南宗牧牛話功名固是券內事且葺園廬了婚嫁
千篇昌谷詩滿囊萬卷鄴侯書挿架忽然起冠東諸侯
黃旗皂纛從天下聖朝仄席意未快尺一東來煩促駕
大材小用古所歎管仲蕭何實流亞天山挂旆或少須
先挽銀河洗嵩華中原麟鳳爭自奮殘虜犬羊何足嚇
但令小試出緒餘青史英豪可雄跨古來立事戒輕發

往往讒夫出，穰罅深仇積。憤在逆胡不用追，思灞亭夜

初夏

白白資筒美，青青米果新。

蜀人名糝為資筒，吳中名糝為米果。

衰遲重

時節薄少，遍鄉鄰。梅市花成，幄蘭亭草作，箇極知歡意盡。強起伴遊人。

自警

放翁原憤憤，徂歲復駸駸。社櫟終無用，秋蟲漫苦吟。拍蚊違殺戒，引水動機心。老耄誰規我，忠言抵萬金。

枕上

病叟少安枕驚禽無穩棲慵占賈誼鵬空感祖生雞野

勢風號北窗痕月過西元非破賊手只合架牛犂山中惟泉

鳴終夜雞三鳴後
聞架犂則旦矣

野步至近村

耳目康寧手足輕村墟草市偏經行孝經章裏觀初學
麥飯香中喜太平婦女相呼同夜績比隣竭作事春耕
勿言野饁無鹽酪筍蕨何妨淡煮羹

書懷示子通

平生山林幾緼屐何意隨人戴朝幘口言報國直妄耳
斷簡圍坐晨至夕道山堂東直廬冷手種疎篁半窗碧
但虞風波起平地豈有毫髮能補益成書朝奏暮請老
入耳幸免煩言噴東望故山百餘里父老歡忻來接跡
白羊綠酒爭下擔長笛腰鼓紛如織迢迢梅市過魯墟
觀者所至空巷陌爾來呻吟又春盡周視室中惟四壁
但令糲飯麤撐住猶勝朱門常蹢躅小兒助我理孤學

終歲伏几心如石問看飲酒詠離騷何似焚香對周易
三月三十夜聞杜宇
斗轉春歸不自由韶華已逐水東流子規獨抱區區意
血淚交零曉未休

夜大雨連明晨起乃知之

黃紬被穩枕慵移夜雨淋浪了不知水長壞陂初復後
鳩鳴去婦却還時芳蹊入夏多青子白髮今年有黑絲
剗欲披衣湖上去蒲村芳草正離離

聞虜亂次前輩韻

中原昔喪亂豺虎厭人肉輦金輸虜庭耳目久習熟不
知貪殘性搏噬何日足至今磊落人淚盡以血續後生
志撫薄誰辨新亭哭藝祖有聖謨嗚呼寧忍讀藝祖嘗
為大宋

一統四字賜大
臣令藏秘閣

壯士吟次唐人韻

士厭貧賤思起家富貴何在髮已華不如為國戍萬里
大寒破肉風卷沙誓捐一死報天子兜鍪如箕鎧如水

男兒墮地射四方安能山棲效園綺塞雲漠漠黃河深
涼州新城高十尋風飡露宿寧非苦且試平生鐵石心

衰疾

衰疾猶能飯一簞蓴絲菰首亦加餐舊叨刻印俄銷印
老媿彈冠亟挂冠自怪稽康如許嬾人憐范叔不勝寒
得錢剝買青芒屨采藥名山興未闌

書日用事

左右數書冊朝夕一草堂家貧自能儉病愈不求方盛

饌豚肩美常庖筍茁香園丁報花坼亦復命壺觴

又

一裘良已暖半菽可無饑養氣戒多語端居如有思私
心須自勝已過遣誰知耄齒尤當勉常憂寸晷移

初夏出遊

去去衝朝霧行行弄夕霏移秧晴竭作坐社醉扶歸細
草迷行徑殘花點釣磯犢牛將犢過雄雉挾雌飛野寺
煙鐘遠村墟績火微諸孫殊可念相喚候柴扉

初夏晝眠

好景逢初夏閑身得晝眠書橫竹架上冠墮素屏前
菴猜小山桂潺湲幽竇泉危巢出乳燕高樹集新蟬
強健關天命逍遙近地仙晚窗思茗飲自取雪芽煎

農事稍閒有作

架犁架犁喚春農布穀布穀督歲功黃雲壓檐風日美
綠針插水霧雨濛年豐遠近笑語樂浦漲縱橫舟楫通
東家築室窗戶綠西舍迎婦花扇紅我方祭竈徹豚酒

盤箸亦復呼隣翁客歸我起何所作孝經論語教兒童
教兒童莫忽忽願汝日夜勤磨礪烏巾白紵待至公

夜雨

暮雨蕭蕭集瓦溝空階點滴送清愁何由乞得須臾睡
直到窗明滴未休

朝晴

宿雨初收雲四歸小山草木麗朝暉翩然雙鵲從簷下
言語分明訴溼衣

北窗

簾影參差午漏前
盆山綠潤雨餘天
詩無傑句真衰矣
酒借朱顏却悵然
海燕理巢知再乳
吳蠶放食過三眠

名泉不負吾兒意
一掬丁坑手自煎

子康寄惠山泉丁坑蓋日鑄流亞也

遊山戲作

晚境頻辭祿窮居旋學耕
量衰添酒敵才盡減詩名風
月成交友溪山管送迎
登車雨先止天豈相吾行

遣興

聒聒鳴鳩莫笑渠百年我亦旋枝梧病知藥物難為驗
老覺人間不足娛茆屋何妨度寒暑蔬餐且可遣朝晡
釣船一出無尋處千頃江邊雪色蘆

又

老荷君恩許醉眠散人名號媿妨賢久叨物外清閑福
麤識詩中造化權風月四時隨指顧乾坤一氣入陶甄
新秋更欲浮滄海臥看雲帆萬里天

細雨

細雨重雲漸入梅陰陰門巷長新槐壯心已與年俱逝
脫髮應無術可裁美睡常嫌鶯喚起清愁却要酒闌回
年來百事非平昔信手題詩嬾剪裁

初暑

槐陰清潤麥風涼一枕閑眠晝漏長山鵲喜晴當戶語
海桐帶露入簾香酒緣久病常辭酌茶為前街偶得嘗
雲北雲南動遊興速呼小豎治輕裝

夙興

夙興短蓬髮幽步豁煩襟翠碧停闌角鵲黃語柳陰書
殘頻補緝琴廢細追尋未是全無事猶堪養道心

新堂

湖上新堂氣疎豁三面嵐光翠如潑都門歸來病相屬
鄰里怪我間何濶尊絲作羹飯雕胡厨人斫鱸藝絕殊
何由喚得左元放銀盤釣出松江鱸

即席

穉荷出水榴花開長笛圓聲送舉杯村鄰相樂君勿笑

要是安健無凶災

又

醉中起舞遞相屬坐上戴花常作先
要知吾輩不凡處
一吸已乾雙玉船

又

長魚腹腴羊臂臠饒想久矣無秋毫
今朝林下煨苦筍
更覺此君風味高

又

小山榴花照眼明
青梅自墮時有聲
柳橋東岸倚筇立
聊借水風吹宿醒

生涯

久矣冥行墮嶮巖
樂哉偶得謝招麾
放懷身世相忘地
夙駕山林獨往時
縱老豈容妨痛飲
更慵亦未廢新詩
超然自喜生涯別
始歎龜堂見事遲

落花

桃李擅春事
酴醾為之殿
豈不欲周旋
過日如掣電大

風連三月吹盡無餘片留之豈有策佇立情眷眷空令
腸九回竟欠語一轉流年付芳草樽酒孤勝踐鶯聲入
碧雲簾影滿深院消搖綠陰間風流屬團扇

四月廿二日微雨中次前輩韻

語訛覺齒疎冠倒感髮稀屢為曼容免遂賦淵明歸今
日天氣佳雨絲弄斜暉起居惟所適單複時易衣出遊
叩僧廬歸臥掩漁扉一笑顧兒子正爾良未非

夜雨

點滴茅檐雨長宵不肯晴殘缸待雞唱倦枕厭梟鳴已
踐衰殘境况兼羈旅情晨興亦何事椎髻繞廊行

夏日

入戶桐陰漸覆牀乍敷笛簟北窗涼筇枝倚壁知身健
衣焙殘香覺日長雨霽斷雲時聚散風來纖草久低昂
蝶衣粉溼猶飛嬾小駐闌干就夕陽

久雨

梅子青青苦未黃經旬積雨欲頽牆蠹生書帙時須火

潤入衣篝刺得香鄰舍相逢驚間濶通宵不寐聽淋浪
定知又發韓公笑有底鳴蛙兩股長

又

梅天一日幾陰晴對酒無聊醉不成巧歷莫能知雨點
孤桐那解寫溪聲林深鳥爵來無數草茂鋤耰去即生
明日雲開天萬里御風吾欲過青城

舟中

青楓湖上村綠蓑舟中客雲興山疊見海近地勢坼悠

然滄洲趣宛與塵世隔雖云食不足麤免婚嫁責渥丹
未辭鏡衰白幸滿幘明當鼓枻行放浪窮七澤

繫船

高樹滴殘雨叢蘆生夕風情遊貧有自老鈍學無功歲
月詩編裏江湖旅色中煙村繫船處邂逅得漁翁

復雨

催喚兒童掃綠苔長歌清嘯興悠哉林間子墮知梅熟
水面痕生驗雨來往事已成孤枕夢故人誰共一樽開

自憐未負年華在素扇團團月樣裁

書適

清和巷陌單衣後綠潤軒窗午餉餘曲曲素屏圍倦枕
斜斜筠架閣殘書松陰坐石閑看鶴山寺尋僧晚跨驢
此段家風君試看京塵撲帽獨何歟

村社禱晴有應

叢祠牲酒走村村賴是龍歸為解紛爽氣收回騎月雨

俗謂二十四五間有雨往
往輒成霞潦謂之騎月雨

快風散盡滿天雲數峯縹緲

如屏面一浦漣漪作簾紋猶勝楚人簫鼓裏九歌哀怨
下湘君

題北窗

東擔還山讀舊書斷編終日見唐虞千莖白髮年華速
一點青燈夜漏徂厚價異時空市骨大呼從昔不成盧
細思天賦原非薄跬步門前萬頃湖

又

不嗔人作腐儒看斷簡堆中興未闌更事愈懷憂國切

苦心始覺著書難
流泉激激人聲遠
修竹蕭蕭暑令寒
四海諸公常共處
北窗何地著身寬

晝坐聞牆外人聲殊壞幽思戲作

老人氣衰凋髮齒
歲月翩翩來有幾
晨興食米不一盪
日課讀書猶十紙
雖云喧寂無二觀
終嫌蜩螗喧吾耳
亟起振衣欲出門
赤日當空汗如洗
撥灰未炷瓦爐香
汲井先換銅匱水
也勝太史落南時
短檠夜對屠牛機

黃魯直自言遷宜州時夜寓市中直屠牛之機用雞毛筆作字

晨起行園中

老病厭囂煩晨興步小園
草深移舊路竹茂失頽垣
未暇從魚樂惟思與石言
人家尋每得拄杖印苔痕

葺舍

蟻知將雨先移穴燕護新雛
迭守巢補漏支傾吾可笑
呼奴築屋更添茅

次韻林伯玉登卧龍

一紙臨門喜欲顛
詞源滾滾瀉長川
旗旄外間新元帥

風月名山古洞天自笑屏居依近郭每煩登望指孤煙
雄篇三復空興歎窮乃工詩似不然

道室雜詠

精神有限惟當普造化無心不汝私此事安須知決擇
雞鳴勿後老人期

又

黃褐長條七尺身袖中一劍隱紅塵城門萬屨日來往
衆裏安知無此人

又

冰霜難與夏蟲語晦朔豈容朝菌知
忿慾至前能小忍
人人券內有期頤

又

萬法元須一理通長生極治本同功
廣成千歲無他術
祇在唐虞二典中

又

莫緣侯印學陰謀生世惟須一釣舟
輕用鎔錐終折缺

善刀何止解千牛

又

放翁耄齒猶朱顏一物不留方寸間已吞八九雲夢澤
更著百億須彌山

湖塘夜歸

漁翁江上佩笭簖一卷新傳范蠡經鬱鬱林間桑椹紫
芒芒水面稻苗青雲邊築舍分南北陌上逢人半醉醒
莫恨西村歸路遠行前點點有飛螢

東軒

僻巷地無喧閑人慮不煩
刺舟回北渚岸幘倚東軒
乳鵲行苔徑馴麀觸筍藩
作勞憐野老喚取倒清樽

夏日

例謝門前客深藏篋裏書
衣穿但重補飯足不求餘
山溜鳴庭際藤陰接屋除
何勞厭三伏俯仰即秋初

斫膾

玉盤行膾簇青紅輸與山家
淡煮菰要識坐堂哀鰕鯨

試來臨水看唼喁

野飯

六十日白可續飯三千年清何與人堪笑此翁頑似鐵
還山又食一番新

村酒

亂山落日漁歌長平時遠風粳稻香酒旗搖搖截官道
歸家未遲君試嘗

避雨

雲如壞山欲塞海樹似奇鬼將搏人急投民家雨隨至
燎衣不覺雞唱晨

雨中短歌

昨夕雨大如車軸今旦雨細如牛毛人言愈細愈澤物
天公為此非徒勞泥深入市路欲絕壞簷敗壁風蕭騷
豈惟鼃龜矜得意坐覺藜莠無由薶剝牀供爨嗟婢子
持傘上學憐兒曹村場酒貴賒不得且解布囊尋弊袍

散懷

少年已遂遯山林何況霜毛兩鬢侵
習氣尚存詩入夢病根未去藥關心
猿知秋近啼先苦鶴閱年多頂漸深
不忍頓疎風月在麤能扶杖即登臨

南堂

空堂寂寂暑氣清祇有燕雀無人聲
雲頭忽移簾影失雨點亂集荷盤傾
溝坑水溢魚鱉喜庭戶風送蛟龍腥
衣巾汗垢為一洗呼奴舉榻臨前楹
取泉石井試日鑄吾詩邂逅亦已成
何由探借中秋月與子同遊白玉京

門屋納涼

機裂齊紈如素月牀敷靳簟起微瀾行人遠不分眉目
過鳥高猶響羽翰新長庭槐夾門綠無窮陂稻際天寬
今年項里楊梅熟火齊驪珠已滿盤

幽居

孤村野徑不會鋤惡草從來一寸無每為遊魚疏港瀆
更緣啼鳥植楸梧閑門猶有僧時到殘產渾無賦未輸
浪走人間真誤計暮年猶足補東隅

露坐

殘月久方上幽花時自零風枝驚宿鳥露草溼流螢浩
氣吞雲夢危途塞井陘菱歌何處起及我醉初醒

暑中久不把酒盆池千葉白蓮忽開一枝欣然小
酌因賦絕句

千葉芙蓉白玉膚一樽沆瀣碧琳腴極知俱出氛埃外
我亦秋風山澤臞

又

我讀淵明止酒篇知渠未識玉池僊
誰言見面無多子
高壓天魔萬二千

劔南詩藁卷五十七

欽定四庫全書

集部

劍南詩稿卷五十九

詳校官庶吉士臣陳若霖

主事臣呂雲棟覆勘

總校官檢討臣何思鈞

校對官修撰臣戴衢亨

謄錄監生臣楊浚明

欽定四庫全書

劔南詩藁卷五十八

宋 陸游 撰

老馬

貧家畜老馬枯萁風雨唯本非百金產安用三品料馬
固忘華厩士亦安蓬蘚兩窮適相遭萬事付一笑少游
御款段作計無此妙可憐杜陵翁妄想追風驃

大熱

五月頗閔雨炎風吹早塵氣羸不給喘流汗沾衣巾呼
婢使具浴報以未買薪汝事雖不恪亦坐乃翁貧汲井
掬寒泉自足忘我嗔譬如寓逆旅百事聽主人

大雨

今年景氣佳有禱神必畲時時雖閔雨顧盼即霑洽
地千里間四月秧盡插季夏雨三日淒爽欲忘筮瀦水
如塞河決水如放閘几席亂鼃龜庭除泳鵝鴨舍邊魚
受釣戶外鷗可狎飛螢最得意終夕自開闔蕭蕭菰蒲

聲恍若船入夾嗟子亦耐事堅坐書滿榻懸知櫂極收
已足供伏臘會約張志和清風泛茗雪

午睡

梅黃雨足喜初晴投枕華胥夢已成帳底香雲凝未散
手中書卷墮無聲簟紋似水飛蠅避鼻息如雷稚子驚
癡腹便便竟何有已將嘲弄付諸生

書意

疎慵久已卧郊扉暫出人間輒免歸梵志放花常恨晚

士師分鹿又成非平生舊學寧當負同志良箴亦重違
說與吾兒勤念此負禾勿恨露沾衣

卜居三山已四十年矣暇日有感聊賦五字

薄宦非初志幽居不計年稚松成偃蓋小豎亦華顛生
理憑耕稼光陰付醉眠從來慕園綺一著要爭先

又

泥古衰猶學開荒夜亦耕屋爰生草蓋全擷野蔬烹白
稻雨中熟黃鸝桑下鳴殘雲忽吐日喜對小窗明

北窗

北窗無俗物三伏有餘涼
玉麈消長日風漪可一牀
盞分新作茗爐撥欲殘
香却岸紗巾去翛然野水傍

睡起已亭午終日涼甚有賦

飯罷頽然付一牀
曠懷真足傲羲皇
松棚盡日常如暮
荷沼無風亦自香
倚杖月生人影瘦
岸巾露透髮根涼
頗聞王旅徂征近
敷水條山興已狂

殘雨

五更殘雨滴檐頭探借天公一月秋只道風吹雲散盡
數聲桑下又鳴鳩

溪上避暑

暮年事業轉悠悠盡日投竿杜若洲世上漫言天愛酒
古來寧有地埋憂全家只合雲山老萬事空驚歲月遒
褫帶脫冠猶病渴正平頗憶著岑牟

又

短髮颼颼徹頂涼悠哉隨處據胡牀但憐鵲影翻殘月

不恨蟬聲送夕陽門巷陰陰桐葉暗汀洲漠漠藕花香
寓形宇內終煩促安得騎鯨下大荒

龜堂避暑

縹緲紗幮覆象牀蠻童擎粥進黃梁硯池湛湛一泓墨
衣焙霏霏半篆香團扇題詩無滯思清泉灑地有餘涼
更須風伯開雲陣準擬今宵月滿廊

旅舍偶題

野店山橋策蹇驢浩然聊喜遂吾初童顏幾歲已辭鏡

胎髮今朝還入梳
小瓮謾營秋社酒
斷編閑理小年書
白雲可笑猶多事
常向人間耐卷舒

溪月

天風吹髮冷颼颼
獨向沙邊上釣舟
愁絕平羌江上月
向人依舊半輪秋

砭愚

儲藥如土壠人愚
未易醫信書安用
盡見事可憐遲錯
自彈冠日憂從識
字時今朝北窗卧
句句味陶詩

雜興

早遇齊侯遊柏寢晚從漢帝祀甘泉
不須苦學飛騰術
更看泥金檢玉年

又

南山手自斲蒼苔竹閣柴扉次第開
二十里間雲不斷
豈容一點市塵來

又

靈府寧容一物侵此身只合老山林
何由挽得銀河水

淨洗羣生念愆心

又

赤米熟炊元自軟黃虀頻倒不多酸縱令酒負尋常債
也勝人求本分官

又

冰壺冷浸玉芙蓉三伏炎蒸一點無淨洗硯池瀦墨瀟
灑涼要答故人書

又

硯傳百歲璽闕角筆擅一時錐出囊

予所用硯百年前物一角微闕筆姑

蘇能憲作頗佳

紙欲窮時瘦蛟舉已看雷雨跨蒼茫

又

扁舟夜載石帆月雙屨曉穿天柱雲八十老翁能辦此

不須身將渡遼軍

謂李勣

又

犀象本安山海遠梗楠宜願棟梁材伏波病困壺頭日
應有嚴光入夢來

又

粟無人餽方差快門有僧敲未絕幽豈是耄荒深絕物
從來不慣惹閑愁

又

瞿聃楊墨寧非學治獄行兵亦有師惟是儒生知擇術
百年窮達守書詩

病瘧兩作而愈

久出天魔境胡為瘧鬼來亦知無妄疾畢竟不為災引

睡須書卷支羸賴粥杯微風起秋色樽酒亦時開

露坐

略約方墟北簣簾小塹東荷盤傾夕露芡觜坼秋風磔磔禽移樹芒芒月墮空詩材隨處足盡付苦吟中

戲詠

歲歷還逾半人生但可悲此身猶老健隨處且兒嬉累瓦初成塔埋盆又作池惟應上庭樹不及髭髥時

初秋書感

流年冉冉不容追，餘息厭厭只自知。
馬革裹尸違壯志，鹿門采藥卜幽期。
林蟬委蛻仙何遠，巢燕成雛去已遲。
觸事爾來多感慨，北窗閑賦早秋詩。

湖上

石帆山下舊苔磯，回首平生念念非。
秋早明河低接地，夜深白露冷侵衣。
風生古戍笳爭發，月過橫塘鵲獨飛。
却看宦途傾奪地，恍然敗將脫重圍。

枕上

紗幮竹簟不勝清卧看殘缸翳復明兩樹梧桐鳴急雨
一林鸚鵡噪疎更靜無狂蝶妨幽夢嬾有羣鷗責舊盟
待旦欲尋梅市路小舟先向步頭橫

書懷

無事自能心太平有為終蔽性光明皮膚脫盡見真理
梁肉掃空甘菜羹處處浮家成野宿時時策蹇作山行
平生常笑羊裘老史冊猶存後世名

游昭牛圖

游昭木石師李唐畫牛乃自其所長出欄切聽一聲笛
意氣已無千頃荒客居京口老益困衣不揜脰鬚眉蒼
時時弄筆眼力健蹠角毛骨分毫芒我無沙隄金絡馬
拂拭此幅喜欲狂乞骸幸蒙優詔許置身忽在煙林傍
日落飲牛水滿塘夜半飯牛天雨霜俚醫灌藥美水草
老巫訶禁被不祥願我孫子勤農桑願汝生犢筋脉強
碓聲驚破五更夢歲負玉粒輸官倉

唐希雅雪鵲

烈風大雪吞江湖巨木摧折竹葦枯鳥鳶瑟縮墮地死
豈復能顧卵與雛棘枝拔出亂石罅凜凜生氣獨有餘
耐寒兩鵲亦異稟羽族有此山澤癯神凝氣勁中自足
不待晴日相嗚呼深知畫手亦怪偉用意直刮造化爐
毳毛雖細爪翮健落筆豈獨今所無我評此畫如奇書
顏筋柳骨追歐虞

菖蒲

雁山菖蒲崑山石陳叟持來慰幽寂寸根感密九節瘦

一拳突兀千金直清泉碧缶相發揮高僧野人動顏色
盆山蒼然日在眼此物一來俱掃迹根蟠葉茂看愈好
向來恨不相從早所嗟我亦飽風霜養氣無功日衰槁
吾廬東北皆修竹茂木羽族來栖者不可數計感
而有作

遶舍皆茂林萬數栖鳥雀詰旦輒爭鳴未暝紛已泊清
陰交欲暗丹實熟可啄吾廬少人迹媿爾肯見託雖無
惠養德亦免彈射虐結巢俯可窺淳風今豈薄

秋夜聞蘭亭天章寺鐘

絕湖上蘭亭不過一炊頃湖廢繚隄行往返常景猶
有古寺鐘迢迢下重嶺煙雲含莽蒼風露共淒冷蕭然
草堂卧度此清夜永百念一洗空於焉發深省

閔雨

歲秋固多雨每恨不及時黃塵蔽赤日苗槁已不遲踏
車聲如雷力盡真何為天豈不念民雲族風散之窮民
守稼泣便恐化棘茨妻子不望活所懼尊老饑我願上

天仁顧良民語悲鞭龍起風霆尚繼豐年詩

徒行短歌次前輩韻

風吹短衣雙鬢白老人徒步歸鄉國數樹丹楓野店西
一川紅蓼溪橋北芒屨有賣百無憂過盡青山到渡頭
更求款段真多事堪笑當年馬少游

江樓次前輩韻

一日千回上庭樹城南尚記嬉遊處俯仰人間八十年
鏡中未許朱顏去甲第侵雲多貴人朝回撲帽軟紅塵

江樓月夜吹長笛誰似儂家不負身

七月四日夜賦

樓角西南月一鉤晚瓜落刃酒新篘仙家又憶銀河別
太史新班玉歷秋衰病歲時良冉冉窮愁身世轉悠悠
莫因乞巧嘲兒女我亦飄然水上浮

出近村歸偶作

朝騎小蹇涉煙村擁路爭看八十身似我猶為一好漢
問君曾見幾閑人楊梅線紫開園晚萁菜絲長入市新

莫笑堅頑推不倒天教日日享常珍

送子修入閩

士生萬里合鵬搏憔悴青衫且自寬
薄祿及親雖共喜
遠途將父亦誠難
關山可厭風塵惡
蓬蓽應思菽水歡
只道耄年心似鐵
詩成也作鼻辛酸

書志

飲水蕭然卧曲肱
桑村麥野醉騰騰
老身長子知無憾
泛宅浮家苦未能
南畝服勞勝乞食
腐儒垂死恥依僧

柴荆常閉斜陽裏
剝啄雖聞亦嬾應

秋雨

雨聲疎復密
窗影暗還明
赤米香炊飯
青蔬淡鬻羹
閑中長棋格
病後減詩情
惟有桑麻事
鄰翁與細評

雨後涼甚

竝海寬閑野
清秋搖落天
微涼供美睡
穩字入新聯
陋屋蕭蕭雨
修筒細細泉
晚窗生酒興
洗酌一陶然

屏迹

屏迹亂山中觀身槁木同桑麻安舊業薪水付村童不
散嬰兒樸常存太古風一錢無用處那復計囊空

又

飯熟起開鉢困來徐倒牀無狂安取聖有短始知長養
道褐懷玉露才雖出囊聊須喚兒稚細細話耕桑

書事

聞道輿圖次第還黃河依舊抱潼關會當小駐平戎帳

饒益南亭看華山

饒益寺南亭盡
得太華之勝

又

關中父老望王師想見壺漿滿路時寂寞西溪衰草裏

斷碑猶有少陵詩

華州西溪即老杜所謂鄭縣亭子者

又

鴨綠桑乾盡漢天傳烽自合過祁連功名在子何殊我

惟恨無人快著鞭

又

九天清蹕響春雷百萬貔貅扈駕回不獨雨師先灑道

汴流衮衮入淮來

雨後

雨後涼生病體輕
閑拖拄杖出門行
槐花落盡桐陰薄
時有殘蟬一兩聲

幽居

早歲猶奇怪中年痛掃除
華堂基陸廢名馬宴遊疎
散帙身忘倦畦蔬手自鉏
寥寥千載後誰此訪幽居

書事

北征談笑取關河
盟府何人策戰多
掃盡煙塵歸鐵馬
剪空荊棘出銅駝
史臣歷紀平戎策
壯士遙傳入塞歌
自笑書生無寸效
十年枉是枕瑯戈

秋夜感遇十首以孤村一犬吠殘月幾人行為韻
月生東山口宿鳥驚相呼我起立蒼茫恍在白玉壺
鶻掠老巢大魚躍平湖作意賦新詩佳夕不可孤

又

今日天氣佳
駕言適山村
種枳作短籬
壘石成高垣
牲

酒賽秋社簫鼓迎新婚所願在仕者努力蘇元元

又

長康有三絕吾獨得其一寓世八十年一癡萬事畢世間所謂黠正類禪中蟲燂湯會有時為計誰得失

又

我夢遊異境烏帽跨小蹇桑麻夾阡陌山川曠何遠俗有太古風簫散到雞犬鐘鳴忽驚覺所造恨猶淺

又

竭作朝築陂獨勞暮鉏菜草煙欄犢臥船響籬犬吠殘
年迫耄及農事不敢廢兒曹強學餘努力事春碇

又

頒歷如昨日俯仰芳歲殘蜩螗方鳴秋碇杵已戒寒書
生賦予薄何適不艱難梁肉固所美食淡心始安

又

前年蒙趣召渡江當六月顧慙衰病軀觸熱朝行闕君
恩雖屢下恐懼乞骸骨飄然返柴荆所愧已黔突

又

畏首復畏尾吾身其餘幾雖云食不足健決豈不偉蓬
窗對親舊情話來亶亶何以永今朝沽酒刺園豨

又

昔遇高皇帝同朝多偉人哀哉逝不留君蒿返蒼旻存
者纔一二相望不得親秋風聞雁過老淚霑衣巾

又

唐虞治巍巍洙泗道益明豈知秦漢後佛老起縱橫詩

書雖僅存韶韻無遺聲書生幸有聞未死猶力行

草書歌

吾廬宛在水中沚車馬喧囂那到耳一堂條然臥虛曠
蟬聲未斷蟲聲起有時寓意筆硯間跌宕犇騰作詆詭
徂徠松盡玉池墨雲夢澤乾蟾滴水心空萬象提寸毫
睥睨醉僧窺長史聯翩昏鷄斜著壁鬱屈瘦蛟蟠入紙
神馳意造起雷雨坐覺乾坤真一洗小兒勸我當自珍
勿為門生書槩几

自做

牛解謹藏刀羊亡密補牢達人憂祿厚奇禍出名高所
要懷全璧寧當恥緼袍世間俱癘疥何事苦爬搔

新秋

遠浦平郊弄夕霏曲籬幽徑鎖秋暉馴麋巧占蒼苔臥
驚鵲斜穿密篠飛浴罷小軒成美睡雨餘老火歛餘威
未言風月供詩思汗幘塵衣且解圍

又

蟬聲滿院送流年又見秋風到海邊舊友死來頻入夢
新詩愁絕少成篇步頭野水雙飛鷺林外人家一點煙
顧影自驚如許瘦囊空無藥起沉綿

憫俗

蚩蚩之氓不自覺顧笑吾曹安淡薄攜女數千行問法
腰錢鉅萬仍騎鶴豈知此事不兩得芻豢何可參毒藥
野狐出林作百態擊下髑髏渠自忤老氏五千本清靜
揚雄太玄惟寂寞但能於此尊所聞萬卷丹經盡糟粕

塊坐齋中有感

敗席凝塵嬾拂除况能作意去庭蕪讀書眼力衰難強
對酒心情薄欲無野寺鍾魚思下擔山郵鞍馱憶登途
頽然坐睡誰驚覺寂寞西窗日又晡

新涼示子適時子適將有臨安之行

竹簟紗幮事已非秋清初換熟縑衣鵲驚山月栖還起
螢避溪風墮又飛老眼漸昏書嬾讀壯心雖在事多違
夜窗剝欲挑燈語日倚柴門望汝歸

秋雨

毒熱秋未衰吾廬况淺迫雖云日一浴流汗沾衣幘蕭蕭三日雨出此炮烙厄瀟湘應更佳恨我無六翮

又

吾廬多美蔭最茂楸與梧百鳥集其間下上更嗚呼秋風忽動地搖落日日疎何如澗底松終歲無榮枯

講學

遷善以美身講學以盡性能為可行爾用舍固有命天

方斲斯文魯叟虛歷聘黎元則可哀窮死吾何病

野興

來日無多去日適朱顏那肯為人留簷聲點滴無時雨
野氣蒼茫極目秋朝出釣魚來北渚夜耕驅犢上西疇
此心所要常無媿寂寞衡門死即休

又

江湖蕭散葛天民敕放還山一幅巾老去饑羸惟恃粥
病來舉動每須人道窮舉世知心少學進吾兒著語親

更有一端差自慰短檠不作白頭新

又

早見高皇宇宙新
耄年猶作太平民
虛名僅可欺橫目
顛論曾經犯逆鱗
原野暮雲低欲雨
陂湖秋水浩無津
蕭條生計君無笑
一鉢藜羹敵八珍

又

飽見人間行路難
暫陪鵝鷺意先闌
集仙院裏三題石
神武門前兩挂冠
饑卧了無千里志
倦飛元怯九霄寒

客來莫笑蓬窗陋若比巢居已太寬

示元敏

學問參千古工夫始一經寧論綬若若且喜佩青青汝
業方當進吾言要細聽仍須知稼穡勉為國添丁

八月四日夜夢中作

太華巉巖敷水長白驢依舊繫斜陽山深乳洞藥爐冷
花發雲房醅瓮香鄰叟一樽迎谷口蠻童三髻拜溪傍
中原俯仰成今古物外自閑人自忙

明日復理夢中意作

白盡髭鬚兩頰紅
頽然自以放名翁
客從謝事歸時散
詩到無人愛處工
高挂蒲帆上黃鶴
獨吹銅笛過垂虹
閑人浪迹由來事
那計猿驚蕙帳空

又明日復作長句自規

大學淵源不易窮
古人立志自童蒙
醉猶溫克方成德
夢亦齊莊始見功
痛哭孰能悲陷溺
力行猶足變雕蟲
太空雲翳終當散
吾道常如日正中

示子孫

累葉為儒業不墮定知賢傑有生時學須造次常於是
道豈須臾或可離我老已無明日計心存猶惜寸陰移
巍巍夫子雖天縱禮樂官名盡有師

秋夕

承學雖云淺初心敢自輕飄零為祿仕蹭蹬得詩名撫
事悲長劍懷人感短檠不堪秋雨夕鼓角下高城

徂歲

徂歲風煙慘幽居市井遙
甌香炊薏米泉潔煮芎苗
野廟迎神晚村船過埭
囂西窗一樽酒亦足慰無聊

村居遣興

追數交朋略散亡臂孱足蹇固其常
一年又見秋風至孤夢潛隨夜漏長
不辨誦經如倚相頗能噉飯勝張蒼
回看薄宦成何味只借朝衫作戲場

又

萬里征途興已闌三間破屋住猶寬
山薑著雨房重斂

南燭先霜實半丹
野市秋陰更蕭瑟
書生老瘦轉酸寒
掩關也有消愁處
一卷騷經醉後看

又

野堂踈豁近江皋
喜見南山秋氣高
野外漸寒羣木脫
草根薄暮百蟲號
築陂濬畎更相勉
伐荻剝桑敢愛勞
亦念耄荒當自佚
欲將世業付兒曹

甲子秋八月偶思出遊
往往累日不能歸
或遠至傍縣
凡得絕句十有二首
雜錄入橐中
亦不復詮

次也

齧雪猶能活窖中
僧牛亦可隱牆東
來歸里社當知幸
萬卷書邊一老翁

又

小兒緣天摘列宿
老子含飴弄穉孫
郊居得此豈不樂
無奈催租人打門

又

早攜書劍三隨計
晚辱弓旌四造朝
心媿石帆山下叟

一生不識浙江潮

又

筋骸未廢寧為老煙火猶通豈是貧時跨一驢山縣去
園丁野老盡相親

又

著囊藥笈每隨身問病求占日日新向道不能渠豈信
隨宜酬答免違人

又

藥麕野老偏稱效詩淺山僧妄謂工懷麤裏茶來問訊
不妨一笑寂寥中

又

家居愈老厭拘纏旅舍僧房意自便乞菜作羹殊有味
借牀小憩即成眠

又

鄉閭敬老意常勤一味甘鮮必見分大哉在前無箸食
始知富貴本浮雲

又

市樓嘈囂知豐歲
驛樹輪囷傲早霜
六十年間凡幾到
剗沽新酒對斜陽

又

燂湯具浴僧窗暖
春黍供炊旅甑香
自笑平生為客熟
關山千里一衣囊

又

胡麻刈罷下麴初
引水家家灌晚蔬
但有茅簷隨處好

淵明可獨愛吾廬

又

秋風敗葉委蒼苔
小蹇閑遊始此回
溪上風煙爭晚渡
縣前燈火賣新醅

劍南詩藁卷五十八

欽定四庫全書

劔南詩藁卷五十九

宋 陸游 撰

遊山

四序雖悉佳莫若新秋時已脫烹煮厄未興搖落悲鷺
集水落渚鵲爭風墮枝煙村烏柏丹晚日望最奇豈無
一舴艋往赴幽人期婆娑下堂迎壞衲顛倒披丹果垂
中庭碧花蔓疎籬秋高財一來怪我今年衰

對酒

天上何曾許寄愁酒中正自可忘憂不能上樹作巢飲
尚辦滿船供拍浮神仙可學君豈信衣食裁足吾何求
但憶人如玉祭輦相攜一笑賦登樓

遣舟迎子適因寄古風十四韻

今日圻汝書一讀眼為明知汝即日歸明當遣舟迎想
汝片帆東翩若飛鴻征薄暮過梅市咿謳雙櫓聲到家
亦尚早城樓初發更草草一尊酒為汝手自傾夜分不

能寐頓忘衰病嬰豈惟病良已白頭黑絲生暫別亦不
惡益重父子情自今日相守北窗同短檠六經焰久伏
百氏方縱橫世俗擯孤學未易口舌爭此責在學者艸
萊勿自輕汝壯父未死相勉在力行

重寄子邁

秋風日日望歸裝忽報來期喜欲狂衰病無因撼迎汝
夢隨殘月過浮梁

飯後偶題

環堵蕭然百慮忘天教得飯飫枯腸長橋鮓美桃花嫩
北苑茶新帶胯方漠漠寒花欲晚照翩翩孤蝶弄秋光
解衣捫腹西窓下賴有新詩破日長

秋興

流光冉冉迫崦嵫常抱秋風宋玉悲才盡已無楓落句
身存又見雁來時自憐閉戶龐眉叟初對還家大耳兒
子適方自
行在歸一盞青燈照寒影不妨細舉別來詩

又

世事元看等一毫紛紛寵辱陋兒曹雁行橫野月初上
桐葉滿庭霜未高細考蟲魚箋爾雅廣收草木續離騷
更餘一事君知否卧聽牀頭滴小槽

舍北行飯

飯飽逍遙信所之茨塘蔬圃遍遊嬉梧楸凋落風高後
瓜瓠輪囷雨足時犬喜人歸迎野路鵲營巢穩占低枝
晚來嬾復呼童子自掩柴門上屨屨

舍南野步

枯蔓絡荆籬幽花映荻扉
馴鷹驚不起歸鶴倦猶飛
野色連收網邊愁入搗衣
壯圖空自笑事事與心違

感昔

行年三十憶南遊
穩駕滄溟萬斛舟
常記早秋雷雨霽
柁師指點說琉球

又

馬瘦行遲自一奇
溪山佳處看無遺
酒壚強挽人同醉
散去何曾識是誰

又

負琴腰劍成三友出蜀歸吳歷百城最是客途愁絕處
巫山廟下聽猿聲

又

岳陽三伏正炎蒸爽氣淒風見未曾白浪蹴天樓欲動
當時恨不到黃陵

又

行遍天涯只漫勞歸來登覽興方豪雲生神禹千年穴

雪捲靈霄八月濤

病齒

似病非病臂已瘳當墮未墮齒難留一杯藜粥吾所美
幸可自辦不待求既無齧骨犯曲禮亦免祝鯁煩成周
形骸外物付悠悠那將老境供閒愁

揮手

揮手羣玉府稅駕石帆山偶與片雲出却隨孤鶴還松
風暮蕭瑟石溜夜淙潺阿敏讀書處更添茆一間

過鄰家

初寒偏著苦吟身
情話時時過近鄰
嘉穉連雲無水旱
齊民轉壑自酸辛
室廬封鏹多逋戶
市邑蕭條少醉人
甌未生塵羹有糝
吾曹切勿怨常貧

甲子秋八月丙辰雞初鳴時夢劉韶美示詩八篇高古可愛明旦作此詩志之

韶美仙去三十年
一念及之常悵然
秋窗忽夢接顏色
萬里老鶴歸遼天
贈詩溫其似玉璫
我亦麤識闕睢亂

建安黃初不足言筆端直覺無秦漢

山居

客至何曾共劇談行藏獨有老僧諳
覓官肯信山居樂食淡方知飯味甘
一脈泉通澆藥圃萬重雲鎖釣魚菴
好奇自笑心無厭行遍江南憶劔南

歸老

兩脚走萬里歸老樵風溪雖遠京雒塵
窮巷還多泥纍纍喪家狗喔喔失旦鷄
幸非徙比景何恨棲會稽今年

更可笑僂僂自灌畦榮雖不滿眼悔亦免噬臍萬事付
一尊師友阮與嵇

送子坦赴鹽官縣市征

父子團欒笑語譁豈知雲散各天涯長亭結束秋將晚
別酒淒涼日易斜我生老年艱就養汝非仰祿肯離家
遊山尚有平生意試為閒尋一鹿車

臘中欲作一小肩輿輕駛堅實兩夫

可舉者以備山行

寄子坦

目斷西陵細靄中
津亭想汝繫孤蓬
頗憂昨暮雲吞日
俗以黑雲接落日為風雨之候
猶幸今朝雨壓風
就食亦知難戀戀
挂帆終恨太怱怱
寒沙不是無來雁
頻寄書歸問老翁

書感

老荷寬恩許退耕
絲毫無報亦何情
民貧樂歲尚艱食
道喪異端方肆行
黨禍本從名輩出
弊端常向盛時生
古人骨冷青松下
誰起英魂與細評

自偏門歸

橘柚累累未著霜
陂塘渺渺度秋光
長橋虹卧當官道
重閣鸞飛出女牆
煙際遠舟俄已隱
天邊驚雁不成行
歸來有底誇兒輩
笑指奚奴古錦囊

遣興

兔徑遊觀足
蝸廬卧起寬
垂名千古易
無愧寸心難
燈火娛清夜
風霜變早寒
一經家世事
吾興未應闌

詩酒

詩酒平生樂
無如老病侵
才衰愁韻險
量退怯杯深
宿

露滋金蟲微霜點纈林呼鷹五陵路惆悵少年心

晚秋野興

病骨支離不耐秋今年九月即輕裘細書燈下幸能讀

舊友夢中時與遊

連夕夢紹興間同朝諸公

官賦畢輸無吠犬農功

已息有閒牛不知冠蓋朝天客也得心安似我不

又

徹底無能徹骨貧自憐虛作六朝民學因病廢捐長日

志與年衰媿古人露溼亂螢飛暗無霜清饑雀噪空園

一生眼境常如此草賦憑誰問大鈞

舟中口占

養生妙理本平平未可常談笑老生業力頓消知學進
人情愈薄喜身輕鶴雛日長丹砂頂巖溜時間玉珮聲
最是扁舟暮歸處一川風月遠相迎

閉門

閉門何所樂聊息此生勞霜薄殘無綠風酣萬木號研
朱點周易飲酒讀離騷斷盡功名念非關快剪刀

暮秋

多雨令秋水渺然溝溪無處不通船山回忽得煙村路
始信桃源是地仙

又

閒傾清聖濁賢酒穩泛朝南暮北風射的山前雲幾片
一秋不散伴漁翁

又

百年大耋龍鍾日九月初寒慘淡天嶺谷高低明野火

村居遠近起炊煙

又

舍前舍後養魚塘
溪北溪南打稻場
喜事一雙黃蛱蝶
隨人來往弄秋光

又

九月山村已驟寒
看雲殊怯倚闌干
一杯濁酒栽培睡
不覺春雷起鼻端

又

清秋又是一年新滿眼丹楓映白蘋海內故人書斷絕
汀洲鷗鷺却心親

農舍

三農雖隙亦匆忙稽事何曾一夕忘欲曬胡麻愁屢雨
未收蕎麥怯新霜

又

神農之學未為非日夜勤勞備歲饑雨畏禾頭蒸耳出
潤憂麥粒化蛾飛

又

萬錢近縣買黃犢
襁褓行當東作時
堪笑江東王謝輩
唾壺塵尾事兒嬉

又

杜門雖與世相違
未許人嘲作計非
長綆雲邊牽犢過
小舟月下載犁歸

九月十日夜獨坐

蓬窗燈火耿疎籬
正是寒沙雁到時
頭少二毛真篤老

口無縱理亦長饑朝聞夕死固當勉幼學壯行嗟已遲
小豎夜闌私怪我儼然危坐若深思

述意

憂患無窮生有涯惟須百事屏紛華人誰敢侮修身士
天不能窮力穡家頻喚老僧同夜粥間從隣叟試秋茶
結茅林下從來事瓦屋三間已太奢

陸士衡兄弟共
居瓦屋三間

小疾自警

老來土弗強舉箸輒作病造物益警之何啻三下令而

我不自珍若與疾豎競豈惟昧攝養實亦闕忠敬顛踣
乃自詒何用死不瞑自今師古訓念念貴清靜羔豚昔
所美放斥如遠佞淖糜煮石泉香飯炊瓦甑采蔬擷樂
苗巾冪相照映膨脝亦宜戒僅飽勿憚薌隱書有至理
要使氣常勝因之戒友朋苦語君試聽

白龍

九月癸酉暮白龍見西方是時久晴明日落天正蒼玉
宇無纖雲凌空獨高翔蜿蜒久乃隱父老歎未嘗清臺

占五行此事實殊常我非劉子政聊記以短章

學易

卒歲勿多求壺飧與褐裘心安由自足身貴為無求易
化千年鶴難馴萬里鷗閉門方學易未暇揖浮丘

又

學古忘衰疾齋心洗昨非拳拳奉天理坦坦息心機改
過先幽隱收功在細微耄期猶自警俯仰惜餘暉

閒中作

呼童按摩罷倚壁欠伸餘棋局可忘老鳥聲能起予掃
簷憐胃蝶投餌出潛魚向晚明窗下還來讀舊書

枕上

嗄嗄初聽雁南征喔喔俄聞雞一鳴夢境往來雙隻堠
宦途興廢短長檠何由生計裁能足不願人間過取名
飯輒茶甘吾事了但愁無酒酌公榮

家貧不能釀酒
而官壺多酸

出遊

一樽隨處可開顏此事深疑造物慳地可登臨多恨遠

身常强健又須閒
山園小市煙初斂
霜著橫林葉半殷
徙倚闌干君勿厭
日斜猶及棹舟還

又

漁村酒市本無期
小蹇扁舟信所之
丹葉滿林霜落後
紫萍黏塊水枯時
山林閒寂歸雖早
齒髮衰殘病已遲
努力及時謀自適
錦囊多貯暮秋詩

又

山有籃輿步有舟
放翁身健得閒遊
羊牛點點日將夕

蒲柳蕭蕭天正秋
細徑僧歸雲外寺
疎燈人語酒家樓
歸途更愛湖橋月
獨倚闌干為小留

又

霜氣蕭條木葉黃
佳時病起意差強
雲煙古寺聞僧梵
燈火長橋見戲場
一枕清風幽夢斷
數匙旅飯野蔬香
道邊莫笑衰殘甚
獨往山林興未央

又

禹窰胥濤中路分
畫橈衝破一川雲
柯橋僧閣凌空起

梅市漁歌帶月聞蟹東寒蒲大盈尺鱸穿細柳重兼斤
酒家報我新醅熟且撥閒愁寄一欣

家居

清世念遺民常情重老人饋漿煩郡府分胙媿鄉鄰
稻黃雲卷春粳玉粒新膨脗自摩腹一笑欲忘貧

又

老眊詩名減登臨笑口開釀泉為酒熟倩鶴附書回
紗帽方簪菊筇枝又探梅清狂君勿笑曾是薄蓬萊

又

蒲葦村深地風霜歲晚天溪柴勝熾炭

小東柴自若耶溪出名溪柴

黎布敵純綿

客有遺黎布者甚輕暖

有客問奇字無人嘲畫眼誰

言此翁老懷抱尚超然

贈隱者

疇昔從君處玄都太古壇月高旂影直霜重珮聲寒鶴
駕三山近壺天萬里寬相逢初未省但認切雲冠

又

力量超終古光明破積昏獨行寧有待妙用本忘言神
定嬰兒戲丹靈豎子奔緒餘應不靳小出濟元元

貧中自戲

種枳為籬草結廬人間知足更誰如澗深松老忘榮謝
天闊雲閒任卷舒閒冷併無殘客跡家貧常讀絕編書
有金可取還闕念多事從來笑漢疎

風雨夜坐

寒風淒緊雨空濛舍北新丹數葉楓欹枕舊遊來眼底

掩書餘味在胃中松明對影談玄客篠火圍爐采藥翁
君看龜堂新境界固應難與俗人同

示村醫

玉函肘後了無功每寓竒方嘯傲中衫袖翫橙清鼻觀
枕囊貯菊愈頭風新詩吟罷愁如洗好景逢來病欲空
却羨龍鍾布裘客埭西賣藥到村東

秋雨

一秋風雨蔽白日積水鬼神愁太陰寒蟄悲鳴草根溼

水鳥暝哭菰叢深殘年不覺日月逝病骨惟愁霜露侵
常有淖糜支旦暮一毫寧復少年心

雜興

散步持書卷間眠枕藥囊馴麋隨几杖癡蝶入衣裳病
起年光速身閒日景長為憐紅樹好久立向西廂

又

客問維摩疾人哀范叔寒詩囊負童背藥笈挂驢鞍野
果攢眉澀村醪振齒酸老雞殊可念旦旦報平安

又

愛物停垂釣，劬身自荷鋤。
時從鄰父飲，日授稚孫書。
尚棄登山屐，寧須下澤車。
平生雙不借，投老伴歸歟。

又

平生獨何幸，命若與人謀。
疲懦逃深責，空疎得早休。
位卑輕得喪，迹遠少恩仇。
莫怪歸耕樂，文園久倦遊。

又

倒索得千錢，從人買釣船。
秋風宿村步，暮雪醉江天。
得

意鷗波外忘歸雁浦邊平生笑嚴子猶有姓名傳

又

澤居憂下溼老病覺中乾違俗恐不免倚天聊自寬受
規如獲藥喜退甚彈冠不是憎勲業心知骨相寒

江亭

野市逢虛日江亭候暮潮蟲號霜後草人立雨中橋病
骨羸將折殘魂黯欲消無心作村醉酒旆苦相招

晚歸

梅市橋邊弄夕霏菱歌聲裏棹船歸白鷗去盡還堪恨
不為幽人暖釣磯

懷昔

奮迹窮閭本甚微刺天何敢慕羣飛業文僅與驢書券
學射纔因鼠發機苦攬縱橫真脫命風波瀕洞尚餘威
朝冠挂了方無事却愛山僧百衲衣

初寒示鄰曲

村北村南數十家陂池重複谷谿谿荻叢缺處見漁火

蓬戶閉時聞紡車淺瀨水清雙立鷺橫林葉盡萬棲鴉
是中佳興無窮極嬾著青鞵上若耶

夢中作并序

甲子十月二日夜雞初鳴夢宴客大樓上山河
奇麗東南隅有古關尤壯酒半樂闌索筆賦詩
終篇而覺不遺一字遂錄之亦不復加竄定也
富貴誇人死即休每輕庸子覓封侯讀書歷見古人面
好義常先天下憂獨往何妨刀買犢大烹却要鼎函牛

坐皆豪傑真成快不負凌雲百尺樓

初寒

老遇初寒候貧當絕祿時衣裘俱在笥薪炭不愆期
鵲滿羣童網魚浮百石陂比隣每分餉捫腹可無饑

又

重簾禦晚吹密瓦護晨霜

小室今年冬初增瓦三
百箇三面窗皆設紙簾

焰焰

甑爐火霏霏石鼎香行遲依木杖坐久穴藜牀晝亦無
聊甚胡為厭夜長

鉏菜

江湖霜雪薄終歲富嘉蔬
松非常相續蒿蔓亦有餘
家貧闕梁肉身病忌鱸魚
幸有荒畦在何妨日荷鋤

對酒

賦性雖耽酒其如老病身
氣衰成小戶醅濁號賢人
疏廣矜君賜劉伶畏婦嗔
蘭亭獨超絕千載擅清真

夜卧久不得寐復披衣起
呼燈作草書數紙乃復
酣枕明旦作此詩記之

才下多阨窮地偏罕人客半生走四海竟無第一策暮
年忽大悟惟有緊閉門朝作一池墨弄筆招羈魂初若
犇駟驥忽如掣蛟鯨鬼神森出沒雷雨更晦明飛揚興
已極投筆徑就牀酣酣一枕睡不覺幽夢長手攜避秦
人行上腰帶鞆下視河流黃仰看天宇青大呼自驚覺
夜半燈欲死茆簷雨點滴身乃在萬里挑燈影突兀顧
問汝是誰留侯雖強食輕舉亦何疑

孤雲

四十年來住此山入朝無補又東還倚闌莫怪多時立
為愛孤雲盡日間

自閔

破帽羸驂厭垢氛挂冠歸伴故溪雲年光疾病占強半
日景睡眠居七分廬冢蕭條頻賈涕交朋零落久離羣
殘年豈復行孤學自閔猶尊昔所聞

贈雞

青銅三百買烏雞闢地牆東為擇棲更聘一雌全物性

莫辭風雨五更啼

子適為其長兄置酒予亦與焉作五字示之

烏衣兄弟集我亦據胡牀晚菊數枝在小園幽興長霜
清桑落熟湯嫩雨前香草草雖堪笑他年未易忘

太息

太息貧家似破船不容一夕得安眠春憂水潦秋防旱
左右枝梧且過年

又

禱廟祈神望歲穰今年中熟更堪傷百錢斗米無人要
貫朽何時發積藏

又

北陌東阡有故墟辛勤見汝昔營居豪吞暗蝕皆逃去
闕戶無人草滿廬

代鄰家子作

社日淋漓酒滿衣黃雞正嫩白鵝肥弟兄相顧無涯喜
扶得吾翁爛醉歸

山行

山光秀可餐溪水清可啜白雲映空碧突起若積雪我
行溪山間靈府為澄澈峻嶒崖角立蟠屈路九折黃楊
與冬青鬱鬱自成列其根貫石罅橫逸相糾結上捫鵬
鵠巢下歷豺虎穴流泉不可見鏘然響環玦出山日已
暮林火遠明滅小憩得樵家題詩記幽絕

行過西山至柳姑廟晚歸

倚杖西山麓褰衣古廟壩斷雲依釣浦細雨壓炊煙廢

學慙詩退安貧覺氣全
霜天日易晚鐘鼓隔城傳

月夕幽居有感

五嶽名山采藥身
可憐騎馬踏京塵
浮名本是延災物
謝事寧非得道因
出岫每招雲結伴
巢松仍與鶴為鄰
劔南舊隱雖乖隔
依舊柴門月色新

寒夜將旦作

白髮垂肩無二毛
胷中消盡少年豪
河傾月沒夜將旦
木落草枯秋已高
窗下燈殘候蟲語
牆隅棲冷老雞號

曲肱不復更成寐起視寒空如斷鰲

舍北獨步

霜露霑衣迫歲徂天公欲為老人娛斷雲新月供詩句
蒼檜丹楓列畫圖風葉蕭蕭歸獨鶴煙波渺渺漾雙鳬
孤舟薄暮誰從我惟是詩囊與酒壚

山村道中思蜀

當年萬里客西南藥市題詩倚半酣偶為三遊羣玉府
遂妨重到百花潭剡溪謾說思安道函谷誰能識老聃

空乞丹青作橫幅半堤寒日策羸驂

不如茅屋底

鑄印大如斗佩劔長拄頤不如茅屋底睡到日高時

又

南伐踰銅柱西征出玉關不如茅屋底高枕看青山

又

火齊堆盤起珊瑚列庫藏不如茅屋底父子事耕桑

又

列鼎賓筵盛籠坊從騎都不如茅屋底醉倒喚兒扶

菜羹

青菰綠韭古嘉蔬
蓴絲菰白名三吳
臺心短黃奉天厨
熊蹯駝峰美不如
老農手自闢幽圃
土如膏肪水如乳
供家賴此不外取
襍禡寧辭走煙雨
雞豚下箸不可常
况復妄想太官羊
地爐篝火煮菜香
舌端未享鼻先嘗

十月暄甚人多疾十六日風雨作寒氣候方少正

作短歌以記之

昔我從行臺宿師南山旁仲秋已戒寒九月常霽霜入
冬即大雪人馬有仆僵土牀熾薪炭旃_毛結行裝果蔬
悉已冰熟視不得嘗獵騎荷戈歸爭獻狐與狼是時意
氣快豈復思江鄉邇來四十載餘景迫耄荒結茅鏡湖
曲氣候歲靡常殘暑排不去單衣作重陽霜晚木未丹
地燠草不黃玄冥失號令瘧鬼意頡頏忽焉風雨惡縱
擊勢莫當頗疑地撼軸又恐河決防和泥補竅穴乞火

燎衣裳霰雪雖未作疾癘幸退藏風爐薺糝美瓦甑粳
飯香比隣共安健相與歌虞唐

冬夜題齋壁

髮不能勝二寸冠天教送老向江干倚牆筇杖伴人瘦
縞瓦清霜爭月寒壯志追思良可悔危途遍歷始知難
一身著了餘何事茅屋三間已太寬

自遣

蔬食任無魚山行可借驢指掌猶把釣眼澀未捐書客

少勝紛若家貧亦晏如時時顧影歎頑似十年初


蕩蕩

蕩蕩唐虞去日適孔林千載亦荒丘六經殘缺幸可考
百氏縱橫誰復憂釋書恐非易論語王迹其在詩春秋
君臣父子未嘗泯吾道尚傳君但求

晨起

曉枕初興白髮翁弊裘百衲葑爐紅獨居漫受書狐媚
滯思難矜筆陣雄舊學蟲魚箋爾雅晚知稼穡講幽風

一身自喜無餘事且度殘年風雪中



劔南詩彙卷五十九